

19 июля 2015 года.

Неделя 7 по 50-це. Глас 6. Преподобного Афанасия Афонского

На Господи возвах, стихиры воскресны. Глас 6-й:

**1. Стих:** Изведи из темницы душу мою, / исповедатися имени Твоему.

**П**обеду имеяй Христе, юже на ада, / на Крест возшел еси: / да во тьме смерти сидящая воскресиши с Собою, / Иже в мертвых Свободь, / Источаяй живот от Своего света, // Всесильне Спасе, помилуй нас.

**2. Стих:** Мене ждут праведницы, / дондеже воздаси мне.

**Д**несь Христос смерть поправ, / якоже рече, воскресе, / и радование мiрови дарова, / да вси взывающе, песнь тако рцем: / Источниче жизни, Непрístupный Свете, // Всесильне Спасе, помилуй нас.

**3. Стих:** Из глубины возвах к Тебе, Господи, / Господи услыши глас мой.

**Т**ебе, Господи, Сущаго по всей твари, / грешнии камо бежим; / на Небеси Сам живеш, во аде поправ еси смерть. / Во глубины морския; тамо рука Твоя, Владыко. / К Тебе прибегаем, Тебе припадающе молимся: // Воскресый из мертвых, помилуй нас.

**4. Стих:** Да будут уши Твои внимлюще гласу моления моего.

**К**рестом Твоим, Христе, хвалимся, / и воскресение Твое поем и славим: / Ты бо еси Бог наш, // разве Тебе иного не вемы.

**Стихиры прп. Афанасия, глас 2, подобен: "Киими похвальными":**

**5. Стих:** Аще беззакония назриши, Господи, Господи, кто постоит? // Яко у Тебе очищение есть.

**К**ия похвальныя почести / принесем Афанасию? / Преиспещренному деяньми изобильному благодатьми, / богосиянна светолития мечем посекшему страстей стремления, / столпу Боговиденьми

сияющую,/ воздержания светильнику,/ на свещнице душевнем зарю испущающую Божия веления,// всем жизнь дающего.

**Стих:** Имене ради Твоего потерпех Тя, Господи, потерпе душа моя в слово Твое,// упова душа моя на Господа.

Кия похвальныя почести/ принесем Афанасию?/ Преиспещренному деяньми изобильному благодатьми,/ богосиянна светолития мечем посекшему страстей стремления,/ столпу Боговиденьми сияющую,/ воздержания светильнику,/ на свещнице душевнем зарю испущающую Божия веления,// всем жизнь дающего.

**Стих:** От стражи утренния до ночи, от стражи утренния,// да упова-ет Израиль на Господа.

Киими похвальными венцы/ Афанасия венчаем словесы?/ Священнаго течения рачителя,/ небесным учением взятаго/ Боговидения крылы Божественными,/ столпа смирения необоримаго,/ стену разсуждения непоколебимую,/ нравом украшения честное благолепие,/ о чадех своих Христа Бога молящаго,// единого Благосердаго.

**Стих:** Яко у Господа милость, и многое у Него избавление,// и Той избавит Израиля от всех беззаконий его.

Киими похвальными венцы/ Афанасия венчаем словесы?/ Священнаго течения рачителя,/ небесным учением взятаго/ Боговидения крылы Божественными,/ столпа смирения необоримаго,/ стену разсуждения непоколебимую,/ нравом украшения честное благолепие,/ о чадех своих Христа Бога молящаго,// единого Благосердаго.

**Стих:** Хвалите Господа вси языцы,// похвалите Его вси людие.

Утро присносветлое, преподобне, показался еси,/ лучами благодатными:/ страстей мглою ослепевающих/ привел еси к Свету не вечернему,/ отче Афанасие Богомудре./ Отнюдуже, яко возрастивша талант,/ душам тя целителя Христос предлагает,/ неисцельным струпом согнившим,/ мечем словес посекающа// и здравие присно и спасение всем подающа.

**Стих:** Яко утвердися милость Его на нас, // и истина Господня пребывает во век.

Утро присносветлое, преподобне, показался еси, / лучами благодатными: / страстей мглою ослепевающих / привел еси к Свету не вечернему, / отче Афанасие Богомудре. / Отнюдуже, яко возрастивша талант, / душам тя целителя Христос предлагает, / неисцельным струпом согнившим, / мечем словес посекающа // и здравие присно и спасение всем подающа.

### **СЛАВА: ПРП. АФАНАСИЯ, ГЛАС 6:**

**Я**ко Божественная жизнь Твоя / и всеосвященный твой конец, / Отче Афанасие: / в той бо вся горы множество снемшися, / яко виде без дыхания на одре тая, / глаголы велегласными вопияше: / даждь конечное слово рабом твоим, святе / научи, где оставляеши чада твоя, отче, / ихже ущедри яко отец, / поистинне милостив и любезен. / Обаче аще и zde гроб покрывает, / но горе ты вси богата имамы предстателя / и молитвенника к Богу, // любовию чтущии ты.

### **И НЫНЕ: ДОГМАТИК, ГЛАС 6:**

**К**то Тебе не ублажит, Пресвятая Дево; / кто ли не воспоет Твоего Пречистаго Рождества; / безлетно бо от Отца Возсиявый Сын Единородный, / Тойже от Тебе, Чистыя, пройде, / неизреченно воплощся: / естеством Бог сый, / и естеством быв Человек нас ради, / не во двою лицу разделяемый, / но во двою естеству неслитно познаваемый. / Того моли, Чистая, Всеблаженная, // помилуватися душам нашим.

**Вход:** Свете Тихий: **Прокимен дне:** Господь воцарися: **И прочее по обычаю.**

### **Сподоби Господи**

**Сподоби, Господи, в вечер сей без греха сохранитися нам. / Благословен еси, Господи, Боже отец наших, / и хвально и прославлено имя Твое во веки. Аминь.**

**Б**уди, Господи, милость Твоя на нас, якоже уповахом на Тя./ Благословен еси, Господи, научи мя оправданием Твоим./ Благословен еси, Владыко, вразуми мя оправданием Твоим./ Благословен еси, Святыи, просвети мя оправданием Твоими.

**Г**осподи, милость Твоя во век, дел руку Твоею не презри./ Тебе подобает хвала, Тебе подобает пение,/ Тебе слава подобает, Отцу и Сыну и Святому Духу, // ныне и присно и во веки веков, аминь.

### **НА СТИХОВНЕ СТИХИРЫ ВОСКРЕСНЫЕ, ГЛАС 6:**

**В**оскресение Твое, Христе Спасе,/ Ангели поют на Небесех:/ и нас на земли сподоби,/ чистым сердцем, // Тебе славити.

**Стих:** Господь воцарися, в лепоту облечеса.

**В**рата сокрушив медная, и верей адовы сотрый, яко Бог всемогущ, род человеческий падший воскресил еси. Сего ради и мы согласно вопием: Воскресый из мертвых, Господи, слава Тебе.

**Стих:** Ибо утверди вселенную, яже не подвижится.

**Т**ления нас древняго Христос избавити хотя, на Кресте пригвождается и во гробе полагается. Егоже мироносицы жены со слезами искаху, плачуща глаголаху: увы нам, Спасе всех, како изволил еси во гробе вселиться; Вселивыйся же хотяй, како украден был еси; кое же место Твое Живоносное сокры Тело; но Владыко, якоже обещался еси, нам явися и утоли от нас рыдание слез. Плачущимся же им, Ангел к ним возопи: от плача преставша Апостолом рците, яко воскрес Господь, миру даруяй очищение и велию милость.

**Стих:** Дому Твоему подобает святыня, Господи, в долготу дней.

**Р**аспныйся яко восхотел еси, Христе, и смерть погребением Твоим Пленивый, тридневен воскрес еси, яко Бог со славою, миру даруя бесконечную жизнь и велию милость.

**Слава: прп. Афанасия, глас тойже:**

**О**теческую доброту, постников украшение, / источника чудес и к Богу молитвенника непостыдна, / стекшеся, о празднолюбцы, песненными похвалами воспоём, / глаголюще: радуйся, монашескаго жития правило, / и образ, и печать известная. / Радуйся, светильниче пресветлый, / озаряй всяку добродетель светлостью. / Радуйся, иже в бедах великий утешителю / и теплый заступниче печальным. / Тем убо, Афанасие, / не престай моля Христа Бога / стаде твоём сем и всех верных, // почитающих всечестное твоё успение.

**И ныне: Богородичен:**

**Т**ворец и Избавитель мой, Пречистая, / Христос Господь, из Твоих ложесн прошед, / в мя оболкийся, первыя клятвы Адама свободи. / Темже Ти, Всечистая, / яко Божии Матери же и Деве войстинну, / вопием немолчно: / радуйся Ангельски, радуйся, Владычице, // Предстательство и Покрове и Спасение душ наших.

**Таже, Ныне отпускаеши: Трисвятое. И по Отче наш:**

**Псалом 33.**

**Б**лагословлю Господа на всякое время, / выну хвала Его во устех моих. **О** Господе похвалится душа моя; / да услышат кротцыи и возвеселятся. **В**озвеличите Господа со мною, / и вознесем имя Его вкупе. **В**зысках Господа, и услыша мя / и от всех скорбей моих избави мя. **П**риступите к Нему и просветитесь, / и лица ваша не постыдятся. **С**ей нищий воззва, и Господь услыша и, / и от всех скорбей Его спасе и. **О**полчится ангел Господень окрест боящихся Его / и избавит их. **В**кусите и видите, яко благ Господь; / блажен муж, иже уповае на Нань. **Б**ойтесь Господа, вси святии Его, / яко несть лишения боящимся Его. **Б**огатии обнищаша и взалкаша; / взыскающии же Господа не лишатся всякаго блага.

## В НЕДЕЛЮ НА УТРЕНИ ТРОПАРЬ ВОСКРЕСНЫЙ, ГЛАС 6-Й:

**А**нгельския силы на грóбе Твоём,/ и стрегущии омертвѣша:/ и Астояше Мариа во грóбе,/ ищущи Пречистаго Тѣла Твоегó./ Пленил еси ад, не искусився от него:/ срѣтил еси Деву, даруяй живóт.// Воскресый из мертвых, Гóсподи, слава Тебѣ. **Дважды.**

### СЛАВА: ТРОПАРЬ ПРП. АФАНАСИЯ, ГЛАС 3:

**Е**же во плоти житию твоёмú/ удивишася ангельстии чíни:/ како с телом к невидимым сплетением изшел еси, присносла́вне,/ и уязвил еси дѣмонския полкí./ Отонудуже, Афанáсие,/ Христос тебе воздаде богатыми даровáньми,/ сего ради, óтче, моли// спастíся душáм нáшим.

### И НЫНЕ: БОГОРОДИЧЕН, ГЛАС 3:

**Т**я ходатайствовавшую Спасение рода нáшего,/ воспеваем, Богородице Дѣво;/ плотию бо от Тебе восприятою Сын Твой и Бóг наш,/ Крестом восприим стра́сть,// избави нас от тли, я́ко Человеколюбец.

**Полиелей.**

### Тропари воскресные, глас 5:

**Благословѣн еси, Гóсподи,/ научи мя оправданием Твоим./ Ангельский собор удивíся,/ зря Тебе в мертвых вмени́вшася,/ смертную же, Спасе, крепость разорíша,/ и с Собóю Адама воздвígша,// и от ада вся свобóждша.**

**Благословѣн еси, Гóсподи: Почтó мира с милостивными слезáми,/ о ученицы растворяете?/ Блиста́йся во гробе áнгел/ миронóсицам вещáше:/ видите вы гроб и уразумѣйте,// Спас бо воскресе от грóба.**

**Благословѣн еси, Гóсподи: Зелó рано мироносицы течáху/ ко грóбу Твоему рыдáющая,/ но предста к ним áнгел, и рече:/ рыдáния время преста, не пла́чите,// воскресение же апóстолом рцýте.**

**Благословѣн еси, Гóсподи: Миронóсицы жены, с миры пришédша/ ко грóбу Твоему, Спасе, рыдáху,/ áнгел же к ним рече, глагóля:/ что с мѣртвыми Живаго помышля́ете?// Яко Бог бо воскресе от грóба.**

**Сла́ва** Отцу и Сыну и Святому Дúху./ **Поклонímся** Отцú,/ и Егó Сынови, и Святому Дúху,/ **Святéй** Троице во еди́ном существе́,/ с Серафимы зовúще:/ Свят, Свят, Свúт еси, Гóсподи.

**И** ны́не и присно и во веки веко́в. Аминь./ **Ж**изнодавца рóждши,/ грехá, Дево, Адама избáвила еси,/ рáдость же Еве в печали место подáла еси;/ падшия же от жízни/ к сéй напра́ви,// из Тебе вопло́твыйся Бóг и Человéк.

**Аллилуия**, аллилуия, аллилу́ия,/ слава Тебе, Бóже. **Трижды.**

**Таже степенна, глас 6. Прокимен глас 6:** Господи, воздвигни силу Твою,/ и прииди во éже спасти нас.

## **Канон воскресен. Глас 6.**

### **Песнь 1.**

**Ирмос:** Яко по суху пешешествовав Израиль,/ по бездне стопами,/ гонителя фараона/ видя потопляема,/ Богу// победную песнь поим, вопияше.

**Катавасия:** Отвёрзу уста моёя,/ и напóлнятся Дúха,/ и слово отрыгну Царице Мáтери,/ и явлюся светло торжествúя,// и воспою рáдуясь Тоё чудеса́.

### **Песнь 3.**

**Ирмос:** Нёсть свят,/ якоже ты Господи Бóже мой,/ вознесый рог верных Твоих Блáже,/ и утвердивый нас на кáмени// исповéдания Твоегó.

**Катавасия:** Твоя песнословцы Богорóдице,/ живый и незавíстный истóчнице,/ лик себе совокупльшия, духовно утверди́,/ в божественной Твоей сла́ве// венцев сла́вы сподоби.

### **Песнь 4.**

**Ирмос:** Христос моя síла,/ Бóг и Господь, честная цёрковь/ боголéпно поет взывáющи,// от смысла чиста о Гóсподе прáзднующи.

**Катавасия:** Седя́й в сла́ве,/ на престо́ле Божества,/ во обла́це  
ле́гце,/ при́иде Иису́с Пребоже́ственный,/ нетленно́ю дла́нию,/ и  
спасе зову́щия:// слава, Христе́, силе Твоей.

### Песнь 5.

**Ирмос:** Бо́жиим/ светом Твоим Бла́же,/ у́тренюющих Ти ду́ши/ лю-  
бовию озари́, молю́ся,/ Тя́ ведети Сло́ве Бо́жий,/ истиннаго Бо́га,//  
от мрака грехо́внаго взыва́юща.

**Катавасия:** Ужасошася вся́ческая/ о божественной сла́ве Твое́й:/  
Ты бо Неискусобрачная Де́во,/ имела еси во утробе над всеми  
Бо́га,/ и родила еси Безлетнаго Сы́на,/ все́м воспева́ющим Тя́// ми́р  
подава́ющая.

### Песнь 6.

**Ирмос:** Житейское мо́ре/ воздвиза́емое зря́ напáстей бу́рею,/ к  
ти́хому пристанищу Твоему́ притек, вопию́ Ти:/ возведи от тли жи-  
во́т мой,// Многоми́лостиве.

**Катавасия:** Божественное сие и всечестно́е/ соверша́юще  
пра́зднество/ богомудрии Богома́тере,/ приидите руками воспле-  
щим,// от Нея́ рождшагося Бо́га славим.

### Песнь 7.

**Ирмос:** Росодательну убо пе́щь/ соде́ла а́нгел/ преподобным  
о́троком,/ халде́и же опаля́ющее/ веление Божие, мучителя увеща́  
вопити:// благословен еси Бо́же оте́ц наших.

**Катавасия:** Не послужиша твари богому́дрии/ па́че Созда́вшего,/ но  
огненное прещение мужески попра́вше,/ радовахуся пою́ще:// пре-  
петый отцев Госпо́дь и Бо́г благословен еси.

### Песнь 8.

**Ирмос:** Из пламене преподобным росу источи́л еси,/ и пра́веднаго  
жертву водою попали́л еси:/ вся́ бо твориши Христе, токмо еже хо-  
те́ти,// Тя превозно́сим во вся веки.



**Катавасия:** Отроки благочестивыя в пещи,/ Рождество Богородичо спасло есть,/ тогда убо образуемое,/ ныне же действуемое,/ вселенную всю воздвизает пети Тебе:/ Господа пойте дела,// и перевозите Его во вся веки.

### Песнь Пресвятой Богородицы:

Величит душа Моя Господа,/ и возрадовася дух Мой о Бозе Спасе Моём.

Честнейшую Херувим/ и Славнейшую без сравнения Серафим,/ без исления Бога Слова рождшую,/ сущую Богородицу, Тя величаем.

Яко призре на смирение рабы Своея,/ се бо от ныне ублажат Мя вси роди. **Честнейшую...**

Яко сотвори Мне величие Сильный,/ и свято Имя Его, и милость Его в роды родов боящимся Его. **Честнейшую...**

Сотвори державу мышцею Своею,/ расточи гордыя мыслию сердца их. **Честнейшую...**

Низложи сильные со престол, и вознесе смиренные;/ алчущия исполни благ, и богатящиеся отпусти тщи. **Честнейшую...**

Восприят Израиля отрока Своего, помянути милости,/ якоже глагола ко отцем нашим, Аврааму и семени его, даже до века. **Честнейшую...**

### Песнь 9.

**Ирмос:** Бога/ человеком не возможно видети,/ на негоже не смеют чини ангельстии взирати:/ Тобою же Всечистая, явися человеком/ Слово воплощено,/ Егоже величающе,/ с небесными вои// Тя ублажаем.

**Катавасия:** Всяк земнородный/ да възграется Духом просвещаемь,/ да торжествует же безплотных умов естество,/ почитающее священное торжество Богоматере,/ и да вопиет:/ радуйся Всеблаженная// Богородице, Чистая Приснодево.

## НА ХВАЛИТЕХ, СТИХИРЫ ВОСКРЕСНЫЕ, ГЛАС 6:

**1. Стих:** Сотворити в них суд написан:/ слава сия будет всём преподобным Его.

**К**рест твой Гóсподи,/ жизнь и воскресение людем Твоимъ есть,/ и надеющися на́нь,/ Тебе воскресшаго Бога на́шЕго поём:// помилуй нас.

**2. Стих:** Хвалите Бога во святых Его,/ хвалите Его во утвержении силы Его.

**П**огребение Твое Влады́ко,/ рай отверзе роду челове́ческому:/ и от истления избáвльшися,/ Тебе воскресшаго Бога на́шЕго поём:// помилуй нас.

**3. Стих:** Хвалите Его на силах Его,/ хвалите Его по мно́жеству величества Его.

Со отцем и духом Христа воспойм,/ воскресшаго из мёртвых,/ и к Немú вопийм:/ Ты живот еси наш, и Воскресéние,// помилуй нас.

**4. Стих:** Хвалите Его во гласе трубнем,/ хвалите Его во псалти́ри и гúслех.

Тридневен воскресл еси Христе от гроба якоже писано есть, совоздвигнувший праотца нашего. Темже Тя и славит род человеческий, и воспевае́т Твое воскресение.

**Стихиры преподобного Афанасия, глас 8, подобен:** "О преславнаго чудесе":

**Стих:** Хвалите Его в тимпане и лице,/ хвалите Его во струнах и органе.

**Ч**естна́ воистинну смёрть/ Твоёго́ преподобнаго, Христе, пред Тобо́ю бысть./ Сё бо источи от ноги угодник Твой источник крóве,/ и по смерти всяк недúг отгоня́щ,/ и прогоня́щ лукавствия дúхи,/ на няже, еще жив, сопротив ополч́ися// даже и до крóве.

**Стих:** Хвалите Его в кимвалех доброгласных, хвалите Его в кимвалех восклицания./ Всякое дыхание да хвалит Господа.

Источник чудес показа/ и реку дарований/ раку мощей твоих человеком Господь,/ Афанасие премудре:/ слепым еже видети сия даровася,/ прокаженным очищение,/ одержимыя нечистыми духи/ от тех власти избавляет// и целомудрити творит.

**Стих:** Честна пред Господем/ смерть преподобных Его.

Радуйся, постников светило,/ монашествующих звездо,/ пастырей похвало, отче Афанасие,/ преподобных совсельниче./ Радуйся, Троицы жилище./ Радуйся, любви и целомудрия источниче./ Радуйся, пресветлый светильниче разсуждения./ Радуйся, правило добродетелей правое// и столпе одушевленный.

**Стих:** Блажен муж бояйся Господа,/ в заповедех Его восхощет зело.

Монахов множества,/ наставника тя почитаем, отче наш Афанасие:/ твоею бо стезею воистинну право ходити познахом./ Блажен еси, Христу работав,/ и вражию обличил еси силу,/ Ангелов собеседниче и преподобных сопричастниче и праведных,/ с нимиже молися Господеви// помиловатися душам нашим.

**Слава: Евангельская утренняя стихира VII, глас 7**

**С**е тьма, и рано, и что у гроба, Марие, стойши,/ мно́гую тьму имеющи в разуме,/ в нейже, где положен бысть вопрошаеши, Иисус?/ Но виждь срищуцася ученики,/ како плащаницами и сударем воскресение обретоша,/ и помянуша яже о сих Писания./ С нимиже и имиже и мы веровавшие,// воспеваем Тя Жизнодавца Христа.

**И ныне: глас 2:**

**П**реблагословенна еси, Богородице Дево,/ Воплощшим бо ся из Тебе ад пленися,/ Адам воззвася,/ клятва потребися,/ Ева свободися,/ смерть умертвися, и мы ожихом./ Тем воспеваяще вопиём:/ благословен Христос Бог,// благоволивши тако, слава Тебе.

**Тропарь по славословию:** Воскрес от гроба:

**Славословие великое. Ектении и отпуст.**

## На Литургии

### По Входе [в храме Господском]

#### ТРОПАРЬ ВОСКРЕСЕН, ГЛАС 6:

**А**нгельския силы на грóбе Твоем,/ и стрегущии омертвѣша:/ и стояше Мариа во грóбе,/ ищущи Пречистаго Тѣла Твоего./ Пленил еси ад, не искусився от него:/ сретил еси Деву, даруяй живот.// Воскресый из мертвых, Гóсподи, слава Тебе.

#### ТРОПАРЬ ПРП. АФАНАСИЯ, ГЛАС 3:

**Е**же во плоти житию твоёмú/ удивишася ангельстии чíни:/ како с телом к невидимым сплетением изшел еси, присносла́вне,/ и уязвил еси дѣмонския полкí./ Отонудуже, Афанáсие,/ Христос тебе воздаде богатыми даровáньми,/ сего ради, óтче, моли// спастíся душáм нáшим.

**Слава: Кондак прп. Афанасия, глас 8, подобен: "Взбранной":**

**Я**ко невещественных существ зрителя изрýдна/ и дѣтельна сказателя всейстинна,/ взывáет тя ста́до твое, Богоглагóльниче:/ не оскудей, моля о рабѣх тво́их,/ избáвитися напастей и обхождений, вопиющим ти:// рáдуйся, óтче Афанáсие.

#### И ныне: Кондак воскресный, глас 6:

**Ж**ивонаначальною длáнию,/ умершия от мрачных удóлий,/ Жизнодавец воскресив всех Христóс Бог,/ воскресение подаде человеческому рóду:/ есть бо всех Спасíтель,// воскресение и живот, и Бóг всех.

**Прокимен: глас 6:** Спаси Господи, люди Твоя, и благослови достояние Твое.

**Прокимен прп. Афанасия, глас 7:** Честна пред Господем смерть преподобных Его.

**Причастны: Воскресный:** Хвалите Господа с небес: **Преподобнаго:** В память вечную: